

Galesia Pâlanj Zisas Kilaisiyelen am manje Galesia msalen mamamtemien eknjengat zapat meluwanj kapi kumindaye

Pâlanj zapat meluwanj kapi kuye. Galesia zapat meluwanj kapiyet zet kuye keyanj an nânânjin temanj Tâtâ Alaknjangalen nânâ mulup mamawan eganj zapat meluwanj kuye ma yek e zet kapiyetnanj timti zet njen kemak bemekti Pâliyelen ma egalen yek e zet Galesia kuye kapiyetnananj zemusuwepme keyet katanj mamâlîp.

Pâlanj zapat meluwanj kapi kuyeen Kawawanjgalen Zet Zapat Dolaknjanj Penanj am notnanj Zuda manjeen ku sokbembenanj ekjenmagen alaknjangat ma njenanj timti megeen kan keyet ekjen dapmelanje sambe msokbem mege. Ekjengalen kenjangatnanj njen ilak Galesia kapi eknjengat zapat meluwanj kuye. Nuknjanj kapiyanj tageyepm Pâlanj zapat meluwanj kapi mge. An notnanj Zuda am manjeengatanj Galesia msalen dapmelanje tapmebien eknjengat tunjuwinanen meti Kawawanjgalen Zet Zapat Dolaknjanj Penanj Pâlanj ekjenmagen timet zeye ke tapmenjut saknjanj naman Zuda am ekjengalen yensokjineyanj Kawawanjmak tusum mamayet zetik mimiñangalen betziñ ke kegogak ewe pepap bemti tim mamayelen zewien. Betziñ keyet piliñanj sek butnanj maantimtemien. “Nep

in nâmkîņpepemak mamayet Zisas nâmkîņpeme ingalen bep. Kegok ke set penañañ penañ mimiyeleŋ yangut keetan ħep penañ yek. In kegok mti keyet palañañ sekñin butnañ ewe antiseip wagak.” Zet kegok mozeme amnañ keñ zut palen Kawawaŋgalen Zet Zapat Dolakñañ Penañañ Zisas nâmkîņpemti mama kazizit aiik keyet mtobiengapmti Pâlañ zapat meluwañ kumti zet keboñ keyañ Kawawaŋgalen zet ku mtotogalen nâmti kuye. Angalen mama mimi zetnañ Kawawaŋgalen zetmak ħep ku lumañti tim mamayelen yegat satnañ penañgat penañ zemti kumindaye.

**Zet ħotekñañ temañ kapigokgañ Galesia zapa-
t meluwañ keñañ talip:**

1:1-10 Zet yañbem zenzeyelen zet

1:11-2:21 Pâlañ mulup kapi Kawawaŋañ keta-
lasim nañge kegok zeye

3:1-4:31 Kawawaŋgalen keñ taoletgat zet zap-
atnañ kapiyet mimiñañ

5:1-6:10 Dapmelange ekñen Zisasimagen
tâtâñin tazin keyepmti ekñenañ kwitnañ
ñen mimiyeleŋ e kwidendeñañpiñ

6:11-18 Pâlañ zet zemdelañ zein

*Pâlañ Galesia am nâmkîņpepemak ekñen in-
damukumin*

¹ Neñ Pâl, Kawawaŋgalen Zet Zapat Dolakñañ Penañ zemkawañ bembeyet Zisasiyañ ombem-
neñge. Âpme neñ wa an ñenañ mulup kapi
mimiyet ku zemneñge ma ku neme meban.

Ningat Kawawaŋ Bipm egaŋ ikaŋaŋ Zisas Kilais gakikiengatnan mme wage egelaŋ muluwit kapi mimiyeleŋ zemnebbun. ² Âpme neŋmak nâmkijpepen an notne sambe pien Galesia matalip ekneŋmak nin in indamukunup.

³ Mme neŋ Kawawaŋ Bipm ma Amobotnaŋ Zisas Kilaisiyaŋ keŋ taolet mimindamti indamukulem mimindeme keŋ sewakŋaŋaŋ ingat tuŋguwinan wemti weweyeleŋ mandunduyap.

⁴ Kawawaŋ Bipmnaŋ nâme weŋge keyet katnan Kilais zempeme egaŋ zet gawepumti nin yomengatnan gilik zemti ndatim kwakwagat ikaŋaŋaŋ keŋaŋaŋ penaŋ mamaŋaŋ ke amgat belen ketalasime ekneŋaŋ kume gakiye. ⁵ Keyepmti nin Kawawaŋaŋaŋ nâmann mobotnaŋ beme kan katanŋaŋ sesewatsapeŋ mamambanup. E penaŋ.

In Kawawaŋgalen Zet Zapat Dolakŋaŋ Penaŋ kapi ku zemyuŋguwep

⁶ Kawawaŋaŋaŋ in Kilaisiyeleŋ keŋ taoletnaŋgaŋm indazemtetime ekmaŋen kobien. Ya in kot belak welep mti naman zet katnaŋ ŋen amgalen ŋoktikmak lumamaŋaŋ ke mamâlipgaŋmti neŋ ingat nâmtemtem penaŋ mimindeyap. ⁷ In nâip, Kilaisiyeleŋ zet katnaŋ penaŋ ŋen ku tazin. An notnaŋaŋ Kilaisiyeleŋ Zet Zapat Dolakŋaŋ Penaŋ diindondaŋaŋ ke amgalen ŋoktikmak lumaŋti ingat ŋoktikŋin mamyuŋgumindeip. ⁸ Keyepmti pigok zema nâit. Ninmagengatnaŋ an ŋen ma Kawawaŋgalen ensel kululuŋengatnaŋ ŋenaŋ zet katnaŋ diindowennen ke zemyuŋgumti ŋen diindowe beme an keboŋ ke Kawawaŋaŋaŋ zemdelanŋ

zempeme teziŋ ŋandaŋgat zapat bewe! ⁹ Âpme zet pi eweŋan zewan keyegak sakwalam zema nâit. An ŋenaŋ Kawawaŋgalen Zet Zapat Dolakŋaŋ Penaŋ diindowenn ke zemyuŋgumti zet katnaŋ ŋen diindoween an ke Kawawaŋaŋ welili mpeme teziŋ ŋandaŋgat zapat bewe.

¹⁰ In nâme neŋ zet kapi amnaŋ nâmneme dolakŋaŋ bembeyet zeyap bein? E yek! Neŋ Kawawaŋaŋ ikŋaŋ nâmneme dolakŋaŋ bembeyet nâmti manzeyap. Neŋ nanaŋgat amnaŋ nâmneme mobotnaŋ bewak ze zigoset Kilaisiyet mulup an mambak?

Kawawaŋaŋ Pâl mulupmaŋgapm kumtetime koge

¹¹ Notnne, neŋ zet kapigok zema nâit: Neŋ Kilais ikŋaŋmagengatnaŋ penaŋ Kawawaŋgalen Zet Zapat Dolakŋaŋ Penaŋ kapi timti diindowan wa ke ammagengatnaŋ yek. ¹² Neŋ Kawawaŋgalen Zet Zapat Dolakŋaŋ Penaŋ manzeyap kapi am ŋenmagengatnaŋ ku tiwan ma ŋenaŋ zemzikat ku mnaye. Zisas Kilaisiyaŋ ikŋaŋ zemzikat naŋge.

¹³ Neŋ Zuda am nnaŋgalen nâmkŋepepe ke mâti mmamkwabannen zigok mamban ke in mamannaŋgat yaŋaŋ ŋep nâip. Neŋ windeŋaŋ penaŋ bemti Kawawaŋ nâmkŋepepeŋaŋ am maŋge ŋen maŋge ŋen sisipeŋpeŋ mimindamti indawalesâgât mamkwateman. ¹⁴ Neŋ

itnaŋaŋ Zuda am nnaŋgalen sesewat mama mimien nemba sememen kwep notnaŋ indasebemindemti yenpapmne ekŋengalen mama mimi ke mâpmamti keyaŋ katikŋaŋ bem tatagalen mulup windeŋaŋbeŋ mammteman.

15 Âpme Kawawanəŋ nâmnenge keyet katanəŋ ewe sokbembepiŋ tapma eweŋan tipman baenen egaŋ keŋ taoletnəŋapmti naombemneŋe. Ma nâme weme nazemtetime ikŋəŋgalen mulup mamiap. 16 Âpme kan beme ekbanen egaŋ Nemunəŋ zikat name egalen buŋam zapat keyet yanəŋ am Zuda manŋaen ku sokbembəŋəŋ ekŋəŋgat ŋep zewak. Ma neŋ an ŋenmagen mepma zemmusuwewetgalen ŋoktik ku nanŋe. 17 Ma Zelusalem mkaen ku moti Zisasiyet nembanəŋe an notnne eweŋan yanbemi mammkwatemien ekŋen ku indikban. Neŋ belak Alebia msalen metatneti bam gilik zem Damaskas mkaen koban.

18 Ke matokwatnepema nup kan tuk delan zeme bam Pita eksâgât Zelusalem mkaen moti ekmak ke Sonda zut etaŋ mamban. 19 Ekmak ke mamti Zisasiyet nembanəŋe notnaŋ sambe ku tapme indikban. Amobotnaŋ Zisasiyet meniŋan Zems etaŋgut tapme ekban.

20 Zet kapi dâsuki ku kumindayap. Penan sukwep Kawawanəŋgat zikatnan kuyap.

21 Neŋ Zelusalem mka teman ke maneti keyetnan bam Silia ma Silisia msalen meti Kawawanəŋgalen Zet Zapat Dolakŋan Penan diindom diindom meban. 22 Kan keyet Zudia msalen Kilais nâmkinipepenəŋ am mambien ekŋenəŋ niknikpiŋ mme meban. 23 Neŋ mepma am notnaŋ ekŋenəŋ nâgât zapatn pigok etaŋ zeme nâmbien, “An nin sisipeŋpeŋ minndamti Zisasiyelen kwizet buŋaman mme yek bembeyelen mulupman mamin piwan

naman Zisas nâmkijpenti egat kwizet buñaman zetnañ zemzikat indam tapmmezín.”²⁴ Ekñenañ nâgât zapatn kegok zeme nâmti keñin dolakñañ penañ beme Kawawañgat wisikñ zewien.

2

Pâlañ ombemindendañ notnañ Zelusalem mkaen met indige

¹ Msat katan matokwapmetnepema nup kan 14 delañ zeme Zelusalem mkaen ewe mesât tati Banabasimak Taitas ilisakwep idatima neñmak mebenn. ² Ke belak penañ ku mobenn Kawawañañ zet zemkawañ bem namti keññ m eleñ beleñ beme mosâti eget idatimti moban. Moti am Zuda mañgeen ku sokbembenañ ekñenmagen Kawawañgalen Zet Zapat Dolakñañ Penañ zemkawañ bemindawan keyet zapatnañ an ñeñañ etañ ondekindemti ekñen zemkawañ bemindawenn. Kapigok nâmtiyepm mbenn mneti ekñenañ neñ mulup mamiyap ma mkwaban keyet zemtalat neme mulupmnañ penañepiñ benakmagen zemti kegok mbenn. ³ Âpme Taitas ek kogogagak Glik msalengatnañañ wati mebelin keyepmti ondedagen ek sekñañ butnañ antimpepeyet ku nâmpewien. ⁴ Keyañgut ningalen ondedak keyet keñañ an belakñañ notnañ nâmkijpepeen sakamnok mamaip ekñenañ buzak buzak ondedagen motati nin Kilais Zisasmak tusum mamti lala mamanup keyet yaññ ndikmâtâti Zuda am ekñengalen zii zet kandañañ ke ewe gawepumti mimiyet nâmti Taitas sekñañ butnañ

antimpepeyet zemndewien. ⁵ Zemâtâtndame nin ekñen keboñ ke ondedagen zet zenzeyet kawawañ isikñañ bugan ku indawenn. Nin Kawawañgalen Zet Zapat Dolakñañ Penañ keyelen setñañ ke inmagen mkaliñañ bemann tatagat nâmti mulupmañ maminup.

⁶ Nâmkinpepemak am ekñenmagen an ñeñañ notnañañ amobotnañ sakam bemti ekñenañ Zet Zapat Dolakñañ Penañ zenze mulup mkwabien. Ekñenañ nânâ alakñañ ñen ku zeme nâmban. Neñ manzeyap sepem kegogak zemkwapme nâmban. Mobotnañ ma tototnañ, temañ ma isikñañ, Kawawaññañ nin sambe ndikme sepem kwep mambenup. ⁷ Ekñenañ ek nâme Kawawaññañ Pita ek Zuda am ekñenmagen Kawawañgalen Zet Zapat Dolakñañ Penañ zemkawañ bembeyet zempeye. Âpme neñgut am Zuda mañgeen ku sokbembenañ ekñenmagen mulup mimiyet zemneñge. ⁸ Mti Kawawaññañ Pita Zisas Kilaisiyelen buñam zapat zemkawañ bembeyelen kumtetimti winde same egañ Zuda am ekñenmagen mulup mge. Âpme neñ kegogak an Zisas Kilaisiyelen buñam zapat zemkawañbembeyelen nakumtetimti winde namti zemneme am Zuda mañgeen ku sokbembenañ ekñenmagen mulup mimiyet zemneñge. ⁹ Neñ Kawawaññañ keñ taolet mnamti mulup mobotnañ kapi nañge. Mti Zemsmak, Pita ma Zân ekñenañ am Kilais nâmkinpepeñañ mañge ekñengat ñeñañin amobotnañ sakam bemti mambiengapm ndikmâtâti neñmak Banabas nit notn minndemti bet butem

ndemti nit am Zuda mangeen ku sokbembenan eknenmagen mulup mimiyet zemâtâtndame mepmalu ilin Zuda am eknenmagen mulup ewe tusumti mbien. ¹⁰ Âpme eknenan ondedagen keyet nin am nâmkijpepemak msat notnanen maip eknenmagen met zemalu milawat notnan beme timti nin am bekopsat Kawawangalen dampelange Zelusalem mka teman mamaip eknen indapmukulem mimindendeyet etan zemndewien. Âpme neñ mulup ke ewenan baen windenamben mammkwalawan ya pi ewe mti indamukulem mmobap.

Pâlan Pitayelen myunġunġunġan eksokbeye

¹¹ Âpme Pitayan Antiok mka temanen kopme neñ am sambe keñan myunġu yunġunġan ombemti zewan e kwilekiyet eġan myunġunġu sosok penañ mge. ¹² Kelak tipman baen Zemsiyan am nâmkijpepemak Antiok mkaen ku indeme kobienen Pitayan am nâmkijpepemak Zuda manġe ku sokbembenan eknenmak tu meu manimtan. Yanan am eknen keyan kot patañ pewien kan keyet eġan naman eknen Zuda mangeen ku sokbembenan ekngat kingat kumti eknenmak tu meu ku manimtan. Enenogat eġan eknenan yanñ eksokbeseip ma an eknen keyan am sekñin butnan antitiyelen keñin teman wenġe keyepmti kingati mge. ¹³ Âpme Zuda am nâmkijpepemak notnan sambe eknenan yanbemti Pitayan kingati mgenok sakamkwep mme Banabas mee kogak ekngat kingati sululuk mege. ¹⁴ Kegok mti

ekņenaņ Kawawaņģalen Zet Zapat Dolakņaņ Pe-
naņ tazin keyet katan ku m pme indikti neņ
am sambeyet zikalinan Pitayet pigok dunduwan,
“Geņ Zuda anaņ, Zuda am ningalen mama mimi
tazin keyet katan ku maminik. Geņ am Zuda
maņģeen ku sokbembenaņ ekņengalen mama
mimi keyet katnan maminik ke ņep penaņ yek.
Giti an keboņaņ naman zigok ekņenaņ Zuda
am ningalen mama mimi keyet katan mamayet
maindapitilunik?

¹⁵ Nin Zuda am maņģe penaņ wa nin am
zupman mamaip amka yomtoņ ekņen keboņ
yek. ¹⁶ Nin n nup an ņenaņ Zudayelen zii zet
gawepumti keyepm Kawawaņģat zikatnan teņ ku
mambein. Zisas Kilaisiyet etaņ n mkiņpemingut
teņ ņep bembeyelen. Nin kegogak Zisas Kilais
n mkiņpewenngapmti Kawawaņģat zikatnan
teņ mama ke mamanup. Wa zii zetgat yek.
¹⁷  pme am notnaņ nin Kilaismak pepep
benti teņ mamas g t manzenup. Yaņgut
nin Kawawaņaņ ndikme am yomtoņ mamaip
ekņen nembonaņ mambein keyepmti in n me
Kilais egaņ yom mimiyet zemndeme mamanup
bein? Wa kogok ke yek! ¹⁸ Neņ zii zet ekma
dolakņaņ bein keyaņgut zii zet ke m ti teņ
setnaņ bembe ke set ku tazin keyepm naman
bankumpewan ke naman ewe mma kwapme
mti mambap beme neņ an zet kululutoņ
bewap. ¹⁹  pme nin an gakikiņaņ sekņaņ ke
mti zet muluwen ku mawapmotnup.  pme
neņ kegogak am gakikiņaņnok mayap keyepmti
zii zelaņ ņep ku zemnonak. Neņ Kawawaņ

manâmkinpeyapgapmti mama mimi teŋ penaŋ mamiyap. Keyepmti zii zelaŋ neŋmak Kilais tewen ndome gakiwelinok bein. ²⁰ Neŋ pigok nâmkinpeyap Zisas Kilais tewen gakiye kan keyet mama miminn itnaŋaŋ bekaŋaŋ sambe bee asekmek yek bemâge. Keyepmti neŋ alak pi mama miminn itnaŋaŋ bekaŋaŋ ke mâti mulup mamin, keyet kataŋ ku mamiyap. Neŋ Zisas Kilais egalen ŋoktik etaŋ mâti mamiyap. Âpme Kawawaŋgat Nemunaŋ Zisas Kilais egaŋ nâgât kember nâmnemti yomm pumti gakiye. Keyepmti neŋ keyet nâmkinpema egaŋ nâgât keŋnan koti matazingapmti egaŋ nâgât zet zigok ŋen manzein ke neŋ nâmti zetnaŋ maŋgawepuyap. ²¹ Neŋ Kawawaŋgalen keŋ taolet am ninmagen sokbeye ke ku manzentalatpeyap. Zii zet gawepumti yompiŋ bembe set ke tadak ze Kilais ek belak etaŋ gakiye kok zewenek.”

3

Zii zet gawepupu ma nâmkinpeyelen zet

¹ Wakae, Galesia am seŋ maŋge penaŋ! In am pe kwiyaŋ keŋin mme kilom beye? Neŋ Zisas Kilais tewen kumasasokpepenaŋ keyet yaŋaŋ weyaŋ zemâtâtindama nâmbien. ² In zii zetgalen mama mimi ke mâpmamti Kawawaŋgalen Emetak Teŋ ke tiwien? Ma Kawawaŋgalen Zet Zapat Dolakŋaŋ Penaŋ kapi nâmti nâmkinpemtî Kawawaŋgalen Emetak Teŋ tiwien ze? Olak zeme nâmbi! ³ In ke kwilekiyet seŋ penaŋ beme delaŋ zemâzin? In Kawawaŋgalen Emetak Teŋgalen selen yaŋbemtî mebien aŋ naman itnaŋaŋ ke

ewe gilik zemti ilinaŋgalen windeen mdelaŋ zesâgât tapmip ma? ⁴ In Kawawaŋgalen Emetak Teŋmak kot tusume kwitnaŋ kwitnaŋ nukŋaŋ inmagen sokbemindamâge ke in nâme belak penaŋ sokbemindaye kegok bein? ⁵ Ma in zii zet mâti mamaip keyepmti Kawawaŋaŋ Emetak Teŋaŋ indamti menok inmagen mammsokbein? Yek, in Kawawaŋgalen Zet Zapat Dolakŋaŋ Penaŋ nâmti manâmkiŋpeip keyepmti menok mamip.

⁶ Kawawaŋgalen Zet Itnaŋaŋ keyaŋ Abalaamgat pigok zenzenaŋaŋ tazin,

“Abalaamaŋ Kawawaŋgat nâmkiŋpeyeyepmti Kawawaŋaŋ egat nâme an teŋ beye.”
(*Sokbembe 15:6*)

⁷ Keyepmti in pigok penaŋ nâit, am nâmkiŋpepemak mamaip ekŋenaŋ Abalaamgat nemunambaŋaŋ penaŋ bemti mamaip. ⁸ Am Zuda maŋgeen ku sokbemberaŋ ekŋenaŋ eyo nâmkiŋpepe aikme Kawawaŋaŋ indikme an imbi teŋ bembeyet zenzenaŋ keyepmti eweŋaŋ Kawawaŋaŋ Abalaamgat zet zapatnaŋ kapi zeme Kawawaŋgalen Zet Itnaŋanen pigok kumpewien,

“Abalaam, geŋ nâmkiŋpepemak bewanan keyepmti geŋmagengatnaŋ alikdi sokbewe. Âpme am msat sambe ekŋenaŋ ek nâmkiŋpemti set keeset kaisatnaŋ ke mâti mme neŋ ekŋen aŋgalaŋindewap.”
(*Sokbembe 12:3; 18:18; 22:18*)

⁹ Keyepmti am Kawawaŋ manâmkiŋpeip ekŋenaŋ Abalaamak tusume Kawawaŋaŋ nsakwep tewalaŋ sambe mandamkwatain.

10 Âpme am notnaŋ zii zelaŋ ŋeŋaŋ bemindeme mamaip ekŋen Kawawaŋaŋ saik makumindein keyepmti Kawawaŋgalen Zet Itnaŋaŋ kapigok mimiŋaŋ tazin,

“Zii zelen zet sambe tazin ke ŋep ku kululuyelen. Am ŋenaŋ kwep ŋen makuluin beme ek Kawawaŋaŋ saik makumpein.” *(Zii Zet 27:26)*

11 Keyepmti an ŋenaŋ zii zet keyet keŋan mamti naman neŋ Kawawaŋgat zikatnan teŋ penaŋ yompiŋ mayap. Kegok ŋep ku zenzeyelen elak Kawawaŋgalen zet piyaŋ sosok penaŋ pigok zemkawaŋ beme nânup,

“Nâmkiŋpepen etaŋ Kawawaŋaŋ indikme teŋ mambeip am ekŋen keyaŋ etaŋ mama kanzizit aikbep.” *(Habakuk 2:4)*

12 Zii zetgat keŋanen nâmkiŋpepeyet zetnaŋ ŋen ku zenzaŋ Kawawaŋgalen Zet Itnaŋaŋ pigok gulak zenzaŋ,

“An ŋenaŋ zii zet sambe ke mâti mamambe beme maneti keyet penaŋaŋ mama kanzizit tiwe.” *(Wok Pris 18:5)*

13 Âpme Kawawaŋgalen Zet Itnaŋanen zet ŋen kapigok tazin,

“Am tewen maindom masasokindeip ekŋen Kawawaŋaŋ saik makumindein.” *(Zii Zet 21:23)*

Âpme Zisas ek yomepiŋ yaŋgut egaŋ am yominmak Kawawaŋaŋ saik kum indeme nukŋaŋ matip sepem kegogak tiye. Kegok timti am zii zetgalen zemdelan zenze muluwengatnan gilik zemndatiye. 14 Zisas Kilaisiyelen zet

gawepupu ma gakikiŋaŋ pembenanŋapmti Kawawaŋaŋ Abalaam Emetak Teŋ sasayet zetik mpeye ke am Zuda manŋeen ku sokbembenaŋ ekŋenaŋ ke time delaŋ zeye. Âpme nin nâmkiŋpepemak bemtiŋgut Emetak Teŋ titiyet Kawawaŋaŋ ikŋaŋ eweŋaŋ zapatnaŋ zemdendenŋaŋ ke ŋep tiwanup.

Zii zet keyaŋ Kawawaŋgalen zetik mge ke ŋep ku aseke

¹⁵ Nâmkiŋpepeen notnne, neŋ kwitnaŋ kwitnaŋ masokbeme eknâminup keeset zet ŋen pigok bem zema nâit: an zut ŋenaŋ keŋ kwep bemti muluwit kwileki ŋen mimiyet zemkatik bemalu an ŋenaŋ ku maasekidein ma an ŋenaŋ nânâ ŋen ku matusumidain. ¹⁶ Kawawaŋaŋ Abalaamak iŋsokŋane sambe ekŋenmagengatnaŋ an kwep ŋenmagen kwitnaŋ kwitnaŋ dolakŋaŋ bam sokbembeyet zetik mpeye. Kawawaŋgalen Zet Itnaŋanen muluwaŋ ke wa iŋsokŋane sambe ekŋengat meluwaŋ mimiŋaŋaŋ ku mamaiŋ nânup: Iŋsokŋane sambe, ekŋengat tunŋuwinaŋgatnaŋ sokŋaŋ kwewetaŋ egat zet zapatnaŋ mimiŋaŋaŋ mamaiŋnup sokŋaŋ ke Kilais. ¹⁷ Kawawaŋaŋ Abalaamak zemtâmti tâtâ ke mkatikŋaŋ beye ma zetik mge ke ŋep ku asesekgalen. Kegok mti mamkwatnepeme nup kan 430 bemengut zii zet 10 ke Moses saye. Keyepmti zii zet keyaŋ Kawawaŋaŋ Abalaamak tâtâ mti kwitnaŋ kwitnaŋ ke sokbembeyet zetik mpeye ke ŋep ku aseke. ¹⁸ Zii zet ekŋen kapi weyaŋ gawepumann delaŋ zeme keyaŋ yomengatnaŋ gilik zemti ndatiti set ke tadak

ze nin naman zetik mimiŋaŋ keyet kataŋ ku mbenek. Âpme Kawawaŋaŋ keŋ taoletnaŋgat Abalaam zetik mpeye keyet penaŋ saye.

¹⁹ Âpme naman yaŋaŋ eneyet penaŋ Kawawaŋaŋ zii zet kapi beye? Kawawaŋaŋ am ekŋenaŋ yommnaŋgat yaŋaŋ ekmâtâtâtgat nâmti zii zet kapi indaye. Zii zet ke mti manepeme zetik mimiŋaŋ keyet penaŋaŋ Kilaisiyaŋ am mamain sokbeme zii zet kapi delan zenzeyet zenzenaŋ. Kukŋaŋgat Kawawaŋaŋ zii zet ke ensel ŋengat betnan beme egaŋ mti Kawawaŋ ma am ekŋengat an tuŋguwin Moses egat betnan beye. Beme Mosesiyaŋ mti kot yeŋsokŋine ekŋen indamti zemâtâtindaye.

²⁰ Âpme kukŋaŋgat Kawawaŋaŋ Abalaamgat zetik mpeyeen egaŋ igak etaŋ zeye. An ŋenaŋ tuŋgupan tatat ke yek penaŋ, ensel ma Moses mee kogak yek.

Zii zelan gapmukulem mti Kilaismagen ku gaik-mebe

²¹ Keyepmti in nâme zii zet alakgatnaŋ zeya keyaŋ Kawawaŋaŋ eweŋan zetik mge ke ŋep peŋpeme mebe bein? E ŋep ku mimiyelen. Kawawaŋaŋ zii zet kapiaset amnaŋ mama titiyet set aikndaye ze amnaŋ zet keeset etaŋ mepme Kawawaŋaŋ indikme teŋ beme mama ŋep maaik indamanak. ²² Yaŋgut Kawawaŋgalen Zet Itanaŋaŋ nin pigok zikat ndain: Msalen am sambe bepi yom mimiyet tikŋaŋin omba penaŋ matazin. Keyepmti an ŋenaŋ Zisas Kilais nâmkŋepewe beme Kawawaŋaŋ Emetak Tenŋaŋ ke taolet ndandayet zetik mge ke sawe.

²³ Nin eweŋan nâmkijpepeyelen setnaŋ ewe sokbemndandapiŋ tapme zii zet katikŋaŋ kandaŋan tatnepemann nâmkijpepeyet zetik mimiŋaŋ keyet penaŋaŋ sokbemkawaŋ bem ndaye. ²⁴ Zii zelaŋ ndamusuweti mandalem kwatnepeme Kilaisiyaŋ ikŋaŋ kopme ek nâmkijpemti Kawawaŋgat zikatnan yompiŋ teŋ bembeyet kekok mimiŋaŋ. ²⁵ Kilaisiyaŋ kopme nin egat nâmkijpemti keyet sakŋan gwaenen nin zii zetgat kandaŋan ŋen ewe ku matatnup.

Nâmkijpepeen nin Kawawaŋgat nenunambaŋane mambenup

²⁶ In Kilais Zisas nâmkijpewiengapmti in Kawawaŋgat nembaŋaŋ bemti mamaip. ²⁷ In Kilaismak tususu mme tu zulutindeme Kilais ikŋaŋ nemboŋak bewien. ²⁸ Kekok mti am sambe Zuda ma am Zuda maŋgeen ku sokbembembaŋaŋ ma sisiliŋ nempa ma am belak lala mamaip ma an ma imbi nin sambe Kilaismak tusumti am maŋge kwep kwabien. ²⁹ In Kilaisiyet zapat bewien kan keyet in Abalaamgat iŋsokŋane penaŋ bewien. Mti eweŋan Kawawaŋaŋ Abalaamgat zetik mpeye keyet penaŋaŋ Emetak Teŋ timti mamaip.

4

Nin Kawawaŋgat nembaŋane mamananup

¹ Neŋ bemzenze zet ŋen ewe kapigok zema nâit. Nempa isikŋaŋ ŋen bipmaŋ gakime sakwep keyegak bipmaŋgalen kwitnaŋ kwitnaŋ keyet toŋaŋ bemti damuŋ ku mamain. Ek anempa isikŋaŋ bugan keyepmti egaŋ kwitnaŋ kwitnaŋaŋ

keyet sisiliŋ etaŋ main. Egaŋ ɲep ku damuŋ mimiyeleŋ keyepmti ² bipmaŋ isikŋaŋ egaŋ datanaŋ kwitnaŋ kwitnaŋ yaloŋ pemti gakiye ke time kwaopme ekdamuŋ mti manepeme nemba isikŋaŋgat bipmaŋaŋ kan beye ke bududuk beme nemba ikŋaŋgat betnan beme ikŋaŋ ekdamuŋ mamin. ³ Eweŋan nin nemba isikŋaŋ keboŋ sisiliŋ nemba bemti zii zet ma Zuda ekŋengalen set sambe notnaŋ bembenaŋ keyet kandaŋan meti kapiyaŋ mama kanzizit ɲep aikndasem zemti ke mâti manepemann bam Kilaisiyaŋ koge. ⁴ Kawawaŋaŋ kan nâmpeye kan ke kopme ikŋaŋgat Nemuaŋaŋ penaŋ Zisas ke Zuda imbi ɲeniyet keŋan beme kambakmak tati ambege. Ambepme egaŋ Zuda amgalen zii zet gawepumti mamtan. ⁵ Egaŋ ke nin zii zetgat kandaŋangatan gilik zemndatime Kawawaŋgat nembaneŋe bembeyet nâmti kekok mge.

⁶ Egaŋ kekok mti indatime in egat nemuaŋane bewien keyepmti Kawawaŋaŋ Nemuaŋgat Emetagaŋ butnaŋ ke ningat keŋŋnan peme toweti egaŋ mme nin nâmtalati Kawawaŋgat kwizet pigok makunup, “Bien, Bien!” ⁷ Keyepmti nin zii zet kandan sisiliŋ nemba ewe ku mamanup. Nin Kawawaŋgat nemuaŋane penaŋ bemti mamanupgapmti ekmagengatanŋ kwitnaŋ kwitnaŋ dolakŋaŋ kopme matinup.

Pâlaŋ Galesia am nâmkŋipepeŋinmak ekŋengat yayaŋ mge

⁸ In eweŋan Kawawaŋgat yaŋaŋ ku weyaŋ nâmtâtâti keyepm Kawawaŋaŋ kwitnaŋ kwitnaŋ zeme sobbem mâge keyet nâme kawawaŋ dâsuki

mmonzempemti keyet kandaŋan meti mambien. ⁹ Yaŋ alak in Kawawaŋ penañ egat yaŋaŋ ilak nâmâtâlîp ma gilîk zem kapîgok zema ŋep besem Kawawaŋaŋ ingat yaŋaŋin nâmâtâzin. Âpme in eneyet naman gilîk zemti Kawawaŋaŋ kwitnaŋ kwitnaŋ mge kemagen tapmelîp. Kwitnaŋ kwitnaŋ belakŋaŋ keboŋ keyaŋ in indamukulem mimîndendeyet windenaŋ ŋen ku tazin, yek penañ. Âpme in yaŋaŋ ke nâmtingut naman kwîlekiyet keyet kandaŋan ewe mebegalenak mamîp? ¹⁰ In kendo sambe sepem îgak îgak pi tapmeti keyet nâme mobotnaŋ beme ¹¹ keyet kandaŋan mepmâpme neŋ mulupm inmagen mban keyaŋ penañepîŋ besemagen zemti keyet omba penañ maembembeliap.

¹² Notnne, in neŋ Kawawaŋgat manâmkiŋpeyap kegogak nâmkiŋpepeyet nâmti zeap. In nukŋaŋ ŋen ku aik nawien. Kegok tusumti mmobotgat wekum indayap. ¹³ Nâîp, neŋ eweŋan sek zawalaŋ naikgeyepmti inmak ke tati in Kawawaŋgalen Zet Zapat Dolakŋaŋ Penañ diindowan. ¹⁴ Âpme zawat sebet susuk îgagen penañ sokbemname in nâmneme mgasik beme ku nikkiŋgabien. Yek, in nikme Kawawaŋgalen ensel ŋenok bewan ma Zîsas Kilaisnok bema nikdamuŋ dolakŋaŋ penañ mnawien. ¹⁵ Kan keyet Kawawaŋgalen Zet Zapat Dolakŋaŋ Penañ diindoma nâmti oloŋen mbien. E naman eneyet pigogat windenaŋ peme tatozin? Kan keyet in zikalîn kwanzemti neŋ nanayelen benak ze in nâgât zikatn bekanañ kwanzemnemti ingalen pembenañ keyaŋ wetneme neŋ mulup inmagen

ewe tusumti mbak. ¹⁶ Yanaman kan pigogat zet penaŋ sukwep diindoma in kwilekiyet neŋ naman nikme kasaŋin bema mambamkunneip?

¹⁷ Âpme am zii zet zikat indanda dâsuki notnaŋ mamaip. Ekŋenaŋ in ekŋenmak met tusumti mamayet nâmti zet kelakŋaŋ mamimin-deip. Ekŋenaŋ nep indamukulem mimindeme mama kanzizit nep ku tiwep. Ekŋenaŋ belak tususuŋin neŋmak tazin ke eleŋgem indeme in met ekŋenmak mamayet nâmti kekok mamip.

¹⁸ Neŋ inmak ke mama ekŋenaŋ kwitnaŋ kwitnaŋ dolakŋaŋgat setnaŋ zikat indamti indamukulem mme keyaŋ nep benak. Âk neŋ beŋan piyen mama ekŋenaŋ zet kelakŋaŋ etaŋ mimindamti indatimti ilinaŋgalen mamaen mesât manzeip ke dolakŋaŋ penaŋ yek. ¹⁹ Nembanne, neŋ in Kilaisiyelen mama mimi tazin sepem kekokak titiyelen nâmti keŋŋ sindem temaŋ penaŋ beme inmagen mulup mamiap. Imbi ŋenaŋ nembraŋaŋ sokbesâpmme sek sindem matin sindem sepem keboŋ manâyap. ²⁰ Neŋ alak pi inmak ke tabak ze dolakŋaŋ penaŋ. Neŋ ingalen nukŋaŋ ke eknâm mti nep indamukulem mimindewak. Âk neŋ beŋan penaŋ pien tati ingalen nukŋaŋ ke zigoset ekti indamukulem mimiyelen ke ku nâmtiyepm ingat yayaŋ temaŋ penaŋ mimindeyap.

Selamak Aga egetmagen bemzenze zet zenzenaŋ

²¹ Neŋ am in zii zet keyet keŋan meti mamaip in pigok indayaŋkwesima zeit, in zii zelaŋ zigok penaŋ zein keyet yaŋaŋ zemkawaŋ beme nâmbi? ²² Kawawaŋgalen Zet Itnaŋanen zet pigok

zengkawan bein, “Abalaamgat nemujanet zut sokbewun, nen iknanggat imbinan penan kwitnan Sela ekmagengatnan sokbeye. Nen sisilin imbinan kwitnan Aga ekmagengatnan sokbeye. ²³ Âpme sisilin imbinanmak ambebun ke Abalaamgalen noktigengatnan etan sokbeye. Âpme imbinan penan kemak ambebun ke Kawawanang zetik mpeye keyet katnan sokbeye.” ²⁴ Keyepmti nin ekuwen imbi Aga ek Kawawanang Sainai Kalangan Moses zii zet saye sepem kebon. Ma imbi Sela ek Kawawanang Abalaamgat insokhane sambe sokbembeyet zetik mge sepem kebon. Aga ek sisilin imbi etan mamtan keyepmti insokhane eknenan sisilin am bemâbien. ²⁵ Sisilin imbi Aga ke Alebia msalen Sainai Kalan tazin keyet sesepman bein. Yan alak Aga egan Zelusalem mka teman keyet sesepman bein. Zelusalem mka ma am ke matalip eknenan zii zetgat kandan meti sisilin mamip. ²⁶ Âpme Abalaamgat imbinan penan keyan Zelusalem alaknan kululujen gwaen Kawawangat kandan tazin keyet sesepman bein. Âpme Zelusalem kululujen tazin keyan am lala mamakup ningat mamm kegok bein. ²⁷ Kawawangalen Zet Itnananen zet kapigok tazin,

“Imbi tipkatik mamanikeyen nempa ambesâgat sek sindem ku matinik. Keyet mti gen olojen mti kwizet teman ku. Bam Kawawanang genmagen menok mme genmagen nempa sambe penan sokbem mâbep. Sisilin mulup imbindan nempa ambege ke sebempenti galenan omba

penaŋ sokbemâbep.” *(Aizaya 54:1)*

²⁸ Âpme Aisakgaŋ Kawawaŋaŋ zetik mge keyet katan sokbeye. Yaŋ alak pi notnne in Kawawaŋaŋ zetik mge keyet katan sokbemi egat nemunambaŋane bemti mamaip. ²⁹ Âpme nempa sisiliŋ imbi Agamagen sokbeye egaŋ Kawawaŋgalen Emetak Teŋaŋ menok mme sokbeye nempa ke kasa kasa msaye. Sepem kegogak alak pi am zii zetgalen set mâti mamaip ekŋenaŋ nin kasa kasa mamindaip. ³⁰ Âpme keyet Kawawaŋgalen Zet Itnaŋanen zigok penaŋ zenzenaŋaŋ tazin?

“Sisiliŋ imbi ek nemuŋaŋmak ilisakwep idamâpmane msat belakŋan melit. Mneti sisiliŋ imbi egalen nemuŋaŋ keyaŋ imbindi penaŋgalen nempa keyelen kwitnaŋ kwitnaŋ ke toŋaŋ bewemagat.”
(Sokbembe 21:10)

³¹ Keyepmti notnne, wa nin sisiliŋ imbi keyelen nemunambaŋane yek. Nin Abalaam iŋŋaŋgat imbiŋaŋ penaŋ egalen nemunambaŋane mamanup.

5

Nin lala manuwaŋ lalayegak penaŋ mambanup

¹ Kilaisiyaŋ in mme lala mekoti maip keyepmti in lala bubuk mekoti mambep. Keyepmti in am notnaŋ kawaŋaŋ bugan indame ekŋenaŋ Zuda am ekŋengalen zii zet keyet kandaŋan meti mamayet zet kelakŋaŋ mimindamti ku indatiwep.

² Neŋ zet kaliŋaŋ kapigok zema nâit, in sekŋin butnaŋ antim indendeyet zeme nâmindewep

beme Kilaisiyet gakikiŋaŋ keyet nâme belakŋaŋ penaŋ bewe.

³ Neŋ zet keyegak ewe sakwalamti penaŋ pigok diindoma nâit, mneti an ŋenaŋ sekŋaŋ butnaŋ antitiyet nâmindewe beme zii zet sambe ke esemteŋ weyaŋ gawepume delaŋ zemâbe. ⁴ In zii zet gawepumann Kawawaŋaŋ indikme teŋ besenup zemti mamip. Inmagen Kilaismak tususu mbien e ilak etime delaŋ zeye. Keyepmti Kawawaŋalen keŋ taolelaŋ inmagen ku matazin. ⁵ Keyaŋgut nin Kawawaŋalen Emetak Teŋgaleŋ windeyaŋ nâmkŋipepeŋinan ndamukulem mimindeme mulup dolakŋaŋ mmann Kawawaŋaŋ nin nâmindeme teŋ bembeyet webemti damuŋ matatnup. ⁶ Nin Zisas Kilaismak tususu mbennen am sekŋin butnaŋ antitiŋaŋ ma sekŋin butnaŋ antitipiŋ mama mimi keyet nâma kwitnaŋ kwitnaŋ ŋotekŋaŋ penaŋ ku beye. Nin nâmkŋipepen gogot palen mama keyet nâmann penaŋaŋ penaŋ bein.

⁷ Eweŋan in Kawawaŋalen zet katnaŋ penaŋset mama mimi dolakŋaŋ ke mkwabien. Yaŋ alak kwi ŋenaŋ zigoset zet kelakŋaŋ mimindeme Kawawaŋalen zet katnaŋ bamkumpemti naman set ŋen ŋaset mâti mamelip? ⁸ In Kawawaŋaŋ indakumtetime kot egat zapat bewien. Yaŋ egaŋ in mama mimi bekaŋaŋ ke mimiyet egaŋ zet kelakŋaŋ mimindeme ku mamip. ⁹ Nâip, nin yis isikŋaŋ bugan nupmanaŋ keŋan pemann toti keyaŋ nupmanaŋ mme omba penaŋ masemem kwapme eknup. Sepem kegogak an bekaŋaŋ kwewaŋ am dolakŋaŋ sambe ŋoktikŋin mamme

yuŋgum temezin. ¹⁰ Neŋ in Kawawaŋgalen Zet Zapat Dolakŋaŋ Penanŋ ŋep ku katik pewep ke nâmkatikbemindeyap. Nin Amobotnaŋ Kilaismak tususunn tazin keyepmti in ŋotik sepemaŋ ŋen ku mâti mebep ke penanŋ nâmkinŋpem indeyap. Âpme am zii zet mâti mamaip ekŋenaŋ keŋin mamimyunŋuip keyepmti bangat yomin keyet dopmaŋ Kawawaŋaŋ mutumindawe.

¹¹ Notnne, neŋ amnaŋ sekŋin butnaŋ antitiyet zetnaŋ diindowak ze zigoset Zuda am ekŋenaŋ sisipeŋpeŋ mnawiek? Ma kekok diindowak benagen Kilais tewen kumasasokpeme gakiye keyet zapatnaŋ zemann manâmbekambemdeip e kekokak ku mbiek? ¹² Am in sekŋin butnaŋ antim pepeyeyet zetnaŋ mandindoip ekŋen keboŋ ke indikti diindome ilinaŋgat kalin sowep.

¹³ Notnne, in lala mamayet nâmti Kilaisiyaŋ indazemtetime kobien. Keyepmti in kapigok ku nâseip. Nin lala tatnup keyepmti mama mimi itnaŋaŋ ke ewe timann kwapme mne kekok ku otnâit in ilinak mukulem mukulem mti gogot palen mambep. ¹⁴ Âpme zii zet sambe keyet zet ŋotekŋaŋ temaŋ pigok pende mti zenzeŋaŋ, “Gitaŋgat maŋgembein keyet kataŋ am notnaŋ ekŋengat gogot mimindewanik.” (*Wok Pris 19:18*)

¹⁵ In mneti tuŋguwinan zet mdândândâ mti dopmaŋ mekum kokum mti am mama mimiŋin dolakŋaŋ tazin ke walep mâbepmagen zemti yayaŋ zet kapi diindoyap.

Emetak Teŋaŋ mama mimi alakŋaŋ kapigok mandain

16 Neŋ ingat pigok penaŋ zema nâip: In Kawawaŋgalen Emetak Teŋ ek nâmpeme ingat mama mimiŋin damuŋ mbe. Kegok mme in keŋ itnaŋaŋgalen mama mimi bekaŋaŋ keyelen tikŋaŋ ke ku mâpmebep. 17 Keŋ itnaŋaŋgalen mama mimi bekaŋaŋ keyelen tikŋaŋaŋ Kawawaŋgalen Emetak Teŋ kasa mammpain. Âpme naman Kawawaŋgalen Emetak Teŋaŋ kegogak keŋ itnaŋaŋgalen mama mimi bekaŋaŋ ke kasa mammpinegak. Egelaŋ kasa kasa kegok mmalu in kwitnaŋ kwitnaŋ notnaŋ msât maotnâip ke eleŋ beleŋ bemti ŋep ku mamip. 18 In Kawawaŋgalen Emetak Teŋaŋ indadamuŋ mbe beme zii zetgat kandaŋaŋ ewe ku mambeŋ.

19 Keŋ itnaŋaŋgalen mama mimi sambe bee wa enzililiŋaŋ ku tazin. Ke sosok kapigok ma sokbeme eknup: Imbimak set kileŋ mama ma muluwaŋ okbi okbiŋaŋmak muluwaŋ bekaŋaŋgat mimiyet keŋ wawat. 20 Ma nopiom sesewatindaip ke ma aindindi ma mulup kwitnaŋ kwitnaŋ we bekaŋaŋmak mee notnaŋ mamip. Ma kasa kasa mti an ââ ma am notnaŋgat nâmbembe mimi ma ŋenzinziŋ ma ilinaŋgat kwitnaŋ kwitnaŋin sambe tatagat mulup temaŋ mimi ma mdândâmti maŋge kalalaŋ 21 ma eyak zet ma tu katikŋaŋ nimti keŋ kileŋ mama ma ondedak keŋaŋ mama mimi bekaŋaŋ penaŋ mti mama mimi sambe keboŋ keboŋ ke mamip. Am ekŋen keboŋ keyaŋ Kawawaŋgalen zemâtâtât katnanen mamaen ku mambeŋ.

22 Âpme am Kawawaŋgalen Emetak Teŋmak

mamaip ekņengat mamaņinaņ mulup mme penanņ kapigok masokbein: Ammak gogot mama ma oloņen palen mama ma keņ sewakņanņ palen mama ma mama mimi sewak sewak mti mama am indamukulem mimi ma dopmaņ mukulem mukulem mti mama ma zegawepupumak mama ma ²³ keņ mtoti mama ma segaņ mama mimi bekaņņgat maņâin keyet winderņanņ mtopemti mamti, mama mimi dolakņanņ keboņ keboņ ke zii zet ņenaņ ku mtopepeyelen. ²⁴ Am Zisas Kilaisiyet zapat mamaip ekņenaņ keņ itnaņņģalen mama mimi bekaņņgat tikņanņ keyaņ indapmandame yom mamip, keyelen winderņanņ ke Kawawaņģalen Emetak Teņanņ indamukulem mimindeme keņ itnaņņģalen winde omba penanņ mtopeme delaņ zemâģe. ²⁵ In Kawawaņģalen Emetak Teņģalen windeyēt maip beme egalen windeen negak mamebep. ²⁶ Nin nnaņģat sekņ mmoti notnne notnaņ ekņengat keņin mmanņ bekaņņ ku bewe. Ma nin notnne notnaņ ekņengat nâmbembe ku mbanup.

6

Dopmaņ mukulem mukulem mti nukņanņin pumti mamambep

¹ Notnne, inmagengatnaņ ņenaņ tetimaemaēen sukņanņ bemti yom mme in Kawawaņģalen Emetak Teņmak nâmkīņpepeņin kalīnaņ matazinaņ sewak sewak mti an ke mama mimīnaņ weyaņpewep. In egat mobotnaņ mti sakambuk mti sakambuk samti ku mtopewep. Mneti mseņa Sadanaņ in kegoģak indatetim

indeme toindoweyet weyaŋ eksemti mbep.
² Tunġuwinan nukñaŋ notnaŋ masokbemindain ke ilinak mukulem mukulem mti gapuwep. Kegok mti Kilaisiyelen zii zet bee ñep gawepuwep. ³ An ñenaŋ ikñaŋ neŋ amobotnaŋ mayap nâmbé yaŋgut am ekñaŋ egat nâmbé amobotnaŋ ku bewe beme egaŋ belak sek mmobot etaŋ mbe. ⁴ Keyepmti am kwep kwewaŋ ilinaŋgat muluwinaŋgat yaŋaŋin weyaŋ ekmâtâbep. Ekme muluwinaŋ dolakñaŋ bewe bemeŋgut muluwini keyet nâmti ilinaŋgat sekñaŋ mmobep. Yaŋgut in ilinaŋgalen mulupmak nolin ñengalen mulupmak ku bemak ekbep. ⁵ Mti am kwep kwewaŋ ilinaŋgat nukñaŋin ikñaŋgat ikñaŋgat timti met Kawawaŋgat betnan bewep.

⁶ In an Kawawaŋgalen Zet Zapat Dolakñaŋ Penañ diindom zikat indamamip ekñaŋ ke segalen bandim indamukulem mimindeme mamti mulup mbep.

⁷ In kapigok ku nâmyunġuwep. Kawawaŋ tetipewep beme in an tetimaee toñaŋ bewep. Am ñenaŋ mulupmanen kwitnaŋ kwitnaŋ maondein keyet penañ ikñaŋ keyegak sokbeme matin. ⁸ Keyepmti am ñenaŋ mama mimi bekanañ ke keñanen bemisik tabe beme egaŋ maneti keyet penañ bekanañak timti walelet teman aikbe. Ma am ñenaŋ Emetak Tenġalen mama mimi dolakñaŋ sambe ke keñanen tabe beme egaŋ maneti keyet penañ mama kanzizit ke tiwe. ⁹ Keyepmti nin kwitnaŋ kwitnaŋ dolakñaŋ mimiyet sekaŋaŋ palen ku mne. Nin sisiliŋ palen mbanup beme penañ titi kanen nin

omba penaŋ ndamkwatame timti nimwianŋ wianŋ temaŋ mbanup. ¹⁰ Kegogapmti nin timti mulup dolakŋaŋ mti am notnaŋ indamukulem mimiyet setnaŋ sokbemndawe katanŋ mbanup. Kilais nâmkijpepenaŋ ekŋenmagen yaŋbemti mpemann mebe.

Pâlaŋ zetnaŋ delaŋ zenzenaŋ zesâti anŋenŋoo zet zeye

¹¹ In papiaen muluwaŋ kasetnaŋ temaŋ temaŋ penaŋ nen betnaŋ penaŋ kumindayapgat egit!
¹² Am notnaŋ ekŋenaŋ amgat zikalinan kwizet buŋamak bembeyet nâmti in sekŋin butnaŋ antitiyet zet giŋgiŋ penaŋ mamiindeip. Ekŋenaŋ Kilais tewen gakiye keyet zetnaŋ etaŋ zemann sisipeŋpeŋ sokbemndasemagen zemti kekok mamip. ¹³ An sekŋin butnaŋ antitiŋaŋmak ekŋen sambe keyaŋ zii zet sambe bee weyaŋ dolakŋaŋ penaŋ ku maŋgawepup. Ekŋenaŋ in nâmindeme ingat sekŋin butnaŋ antim indeme in ekŋenmak tusumti ilinaŋgat kwizet buŋamin mmot indendeyet nâmti kekok manzeip. ¹⁴ Âpme neŋgut Amobotnaŋŋ Zisas Kilais tewen gakiye keyet nâma mobotnaŋ beme keyet nâpeŋ mamayap. Neŋ msalen kwitnaŋ kwitnaŋ tazin keyet nâma mobotnaŋ ku mambein ma ekŋenaŋ kekokak nâgât mobotnaŋ ku matalip. ¹⁵ Am sekŋin butnaŋ antitiŋaŋ ma am sekŋin butnaŋ antitipiŋ keyaŋ penanaŋ penaŋ ku bein. Kawawaŋaŋ mama alakŋaŋ aikndaye keyaŋ penanaŋ penaŋ bein. ¹⁶ Ma am sambe zet zeya kapi nâmti maŋgawepup in ma am Zisas Kilais manâmkijpemamaip in Islael alakŋaŋ

Kawawaŋaŋ aŋgalaŋ gogot mimindeme keŋ
sewakaŋaŋ palen mamayet nâmti dunduyap.

¹⁷ Pilak zetn pigok zemdelaŋ zesowap: Notnne,
neŋ Kilaisiyelen sisiliŋ an bema sek yemben
sambe tamezin ma sisipeŋpeŋ omba mnawien
keyepmti am ŋenaŋ neŋ ŋep ku mtot neneyelen.

¹⁸ Notnne, Amobotnaŋaŋ Zisas Kilais egalen keŋ
taolelaŋ inmak weweyet nâmti dunduyap. Pe-
naŋ.

Kawawangalen Tâtâ Alakŋaŋ
The New Testament in the Nabak Language of Papua
New Guinea

Nupela Testamen long tokples Nabak long Niugini

copyright © 1988 Wycliffe Bible Translators, Inc.

Language: Nabak

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 21 Feb 2024 from source files dated 31 Aug 2023

ea68a902-358a-5c72-82de-a583fc4809e7